

ერთხილად, ახალი სექტაა!

12 ნოემბერს თბილისში სასტუმრო „შერატონ მეტეხში“ ერთ-ერთი ტოტალიტარული სექტის - „ქრისტიანული მეცნიერების“ (Christian Science - ე.წ. „საიენტიზმი“) რუსულენოვანი ლექცია-სემინარები ჩატარდა. 14 ნოემბერს ამ ლექცია-სემინარებმა სასტუმრო „ვერე-პალასში“ გადაინაცვლა, ოღონდ ამჯერად ინგლისურ ენაზე. სემინარზე დასასწრებად აუცილებელი იყო სექტის დამაარსებლის - მერი ბეკერ ედის წიგნის - „მეცნიერება და ჯანმრთელობა წმინდა წერილის გასაღების“ შექმნა რუსულ ენაზე (სხვათაშორის, აღნიშნული წიგნი 30 დოლარი ღირს, მაგრამ სემინარის ორგანიზატორებმა როგორც ჩანს გაითვალისწინეს საქართველოს მოსახლეობის ეკონომიური მდგომარეობა და თბილისში იგი ფასდაკლებით, 5 ლარად იყიდებოდა).

ლექციებსა და პრაქტიკულ სემინარებს უძღვებოდა ამერიკელი მქადაგებელი, „დოქტორი“ პილდუგარდ არნესენი, რომელიც „ქრისტიანული მეცნიერების“ დირექტორთა საბჭოს წევრია. იგი ამ სექტის რუსეთისა და პოსტსაბჭოთა ქვეყნების რეგიონალურ ოფისში, სანკტ-პეტერბურგში მუშაობს. ბევრს მოგზაურობს მთელ რუსეთსა და ყოფილ საბჭოთა რესპუბლიკებში, სადაც ატარებს ლექციებს და პროპაგანდას უწევს საიენტიზმის სწავლებას.

სექტანტური ლექცია-სემინარის შესვენებაზე ასევე დარიგდა ჟურნალები და მასალები „ქრისტიანული მეცნიერების“ შესახებ. ლექციაზე ბევრი ისაუბრეს „ქრისტიანული მეცნიერების“ სექტის დამაარსებლის მიერ დაწერილი 700 გვერდიანი წიგნის - „მეცნიერება და ჯანმრთელობა წმინდა წერილის გასაღები“ შესახებ. ექიმებისათვის და ყველა ადამიანისათვის, თურმე აუცილებელი ყოფილა ამ წიგნის იდეების გამოყენება სხვადასხვა დაავადებებისაგან განკურნების, ფიზიკური გაჯანსაღებისა და ცხოვრებისეული პრობლემების გადასატრედად. სემინარის ბოლოს კი დამსწრეები მიიწვიეს სექტის შეკრებასა და „ღვთისმსახურებაზე“, რომელიც თბილისში, დოესის ქუჩაზე უკვე ყოველკვირეულად ტარდება. მიუხედავად იმისა, რომ „ქრისტიანული მეცნიერება“ საქართველოში კიდევ ერთი ახლადშემოსული სექტაა და მას თბილისში ძირითადად უცხოეთიდან ჩამოსული მცირერიცხოვანი მიმდევრები ჰყავს, თუ ასე გაგრძელდა, არ არის გამორიცხული, რომ მალე „ახალი მსხნელის“ იდეებით შთაგონებული ქართველი „საიენტიზმებიც“ გვეყოლება.

რას წარმოადგენს „ქრისტიანული მეცნიერება“?!

რელიგიური მოძრაობა - „ქრისტიანული მეცნიერება“ XIX ს-ის II ნახევარში აშშ-ში წარმოიშვა. ამ „უწყინარი“ სახელწოდების მიუხედავად, ამ ტოტალიტარულ სექტას არც მეცნიერებასთან, არც მედიცინასთან და არც ქრისტიანობასთან კავშირი არ აქვს. იგი ძირითადად ეფუძნება იმ იდეებს, რომლებსაც ქადაგებდა პოპულარული ამერიკელი ჰიპნოზიორი, ექსტრასენსი და „მკურნალი“ - ფ.კ. კუიმბი (1802-1866). კუიმბი თვლიდა, რომ ადამიანური უძლურებანი უნდა განიკურნოს არა წამლების მეშვეობით, არამედ მხოლოდ სულიერი ზემოქმედებით. ავადმყოფობისა და ტანჯვის მიზეზი იმალება არასწორ აზროვნებაში, ამიტომ საჭიროა „პოზიტიური აზროვნება“. მკურნალობის ამ მეთოდს მან დაარქვა „ქრისტიანული მეცნიერება“. კუიმბის პაციენტმა - მერი ბეკერ ედის დაწერა წიგნი - „მეცნიერება და ჯანმრთელობა წმინდა წერილის გასაღები“, რომელიც მოგვიანებით ამ სექტის მიმდევართა „სახარებად“ იქცა. პირველად ეს წიგნი ედის 1875 წ. გამოსცა. ამჟამად იგი 15 ენაზეა თარგმნილი. თანამედროვე საიენტიზმების თქმით, უკვე გაყიდულია 9 მლნ. ეგზემპლარი. რუსულად ზემოაღნიშნული წიგნი 1994 წელს დაიბეჭდა. იგი შედგება ინგლისური ორიგინალისა და პარალელური რუსული თარგმანისაგან.

მერი ბეკერ ედის აშშ-ში დააარსა საიენტიზტური სექტა, რითაც სათავე დაუდო ამ რელიგიურ მოძრაობას. იგი გახდა ბოსტონის პირველი საიენტიზტური ეკლესიის პასტორი, საიენტიზტო ასოციაციის პრეზიდენტი და „Christian Science Journal“ რედაქტორ-გამომცემელი. ეს ჟურნალი საიენტიზტო პირველი პერიოდული გამოცემა იყო. ედი ბოსტონში თავის იდეებს აქტიურად ქადაგებდა და ლექციებს კითხულობდა ახალი მიმდევრების მოზიდვის მიზნით. 1867 წელს ედის ქალაქ ლინში (მასაჩუსეტსის შტატი) „ქრისტიანული მეცნიერების“ შემსწავლელი პირველი სკოლა გახსნა, 1881 წელს კი ბოსტონში „მეტაფიზიკური კოლეჯი“ დააარსა.

1880-იან წლებში ედის გამოსცა ინტერნაციონალური ყოველდღიური გაზეთი „Christian Science monitor“, რომელიც აშშ-ში ერთ-ერთი ყველაზე მასშტაბური გამოცემაა. მან ასევე დააარსა,

„Christian Science Sentinel“ და „Herald of Christian Science“, რომელიც რამოდენიმე ენაზე, მათ შორის რუსულადაც გამოიცემა.

ამ სექტის სწავლების განხილვის შედეგად ნათელი ხდება, რომ მასში ცოტა რამ თუ არის ბიბლიასთან, ან მეცნიერებასთან დაკავშირებული. ბეკერ ედი უარყოფს მედიცინას და ყველას მოუწოდებს თვითშთაგონებით მკურნალობისაკენ (ამ მხრივ ისინი გვანან საიენტოლოგებს, რომლებიც სასტიკად უარყოფენ ფსიქიატრიას).

დღესდღეობით „ქრისტიანულ მეცნიერებას“ სხვადასხვა ქვეყნებში გააჩნია ადგილობრივ საკრებულოთა ფართო ქსელი, რომელსაც მართავს დირექტორთა საბჭო პრეზიდენტის მეთაურობით. სექტის ცენტრი აშშ-ში, ქალაქ ბოსტონში მდებარეობს. იქვეა განთავსებული XIX ს-ის ბოლოს დაარსებული გამომცემლობა „Christian Science“, რომელიც უშვებს მრავალ წიგნს, ჟურნალსა და გაზეთს.

სექტის ადგილობრივ საკრებულოთა მთავარ ფიგურებს წარმოადგენენ მკითხველი, მასწავლებელი და „პრაქტიკოსი ექიმი“. ისინი აწეობენ ბიბლიისა და წიგნის „მეცნიერება და ჯანმრთელობა წმინდა წერილის გასაღების“ ნაწევრების საკვირაო კითხვას და ავადმყოფთა „სულიერი მკურნალობის“ სეანსებს.

სექტის დებულების მიხედვით, რომელიც ჯერ კიდევ მერი ბეკერ ედის სიცოცხლეში ჩამოყალიბდა, „ქრისტიანული მეცნიერება“ არ აქვეყნებს მონაცემებს თავის მიმდევართა რაოდენობის შესახებ.

„ქრისტიანული მეცნიერება“ სხვა ტოტალიტარული სექტების მსგავსად, დსთ-ს ტერიტორიაზე პოსტსაბჭოთა პერიოდში გააქტიურდა. როგორც ჩანს ამიერიდან ეს სექტა საქართველოშიც იწეებს „მოღვაწეობას“.

მომზადად სერგო კერესელიძემ